

اَلْحَمْدُ لِلّٰهِ رَبِّ الْعٰلَمِيْنَ وَالصَّلٰوةُ وَالسَّلَامُ عَلٰى سَيِّدِ الْمُرْسَلِيْنَ ط
اَمَّا بَعْدُ فَاَعُوْذُ بِاللّٰهِ مِنَ الشَّيْطٰنِ الرَّجِيْمِ ط بِسْمِ اللّٰهِ الرَّحْمٰنِ الرَّحِيْمِ ط

শবে কদর সম্পর্কিত তথ্যাবলী

আত্রের দোয়া: হে মুস্তফা ﷺ এর প্রতিপালক! যে ব্যক্তি
“শবে কদর সম্পর্কিত তথ্যাবলী” পুস্তিকাটি পাঠ করে বা শুনে নিবে, তাকে
শবে কদরের বরকত দ্বারা ধন্য করে বিনা হিসাবে ক্ষমা করে দাও।

اٰمِيْن بِجَاوِزَاتِهِمُ النَّبِيِّيْنَ صَلَّى اللّٰهُ عَلَيْهِ وَاٰلِهٖ وَسَلَّمَ

দরুদ শরীফের ফযীলত

আল্লাহ পাকের সর্বশেষ নবী, হুযুর ﷺ
ইরশাদ করেন: “যে আমার প্রতি দিনে এক হাজার বার
দরুদে পাক পাঠ করলো, সে ততক্ষণ পর্যন্ত মৃত্যুবরণ
করবেনা, যতক্ষণ জান্নাতে নিজের ঠিকানা দেখে নিবেনা।”

(আন্তরগীব ওয়াত্তারহীব, ২য় খন্ড, ৩২৮ পৃষ্ঠা, হাদীস: ২২)

صَلُّوْا عَلٰى الْحَبِيْب! صَلَّی اللّٰهُ عَلٰى مُحَمَّدٍ

লাইলাতুল কদরকে লাইলাতুল কদর কেন বলা হয়?

প্রিয় ইসলামী ভাইয়েরা! লাইলাতুল কদর অত্যন্ত
বরকতময় রাত, একে লাইলাতুল কদর এজন্যই বলা হয় যে,

এতে সারা বছরের বিধানাবলী নির্ধারণ করা হয় ও ফিরিশতাদেরকে সারা বছরের জন্য কাজে ও খেদমতে নিযুক্ত করা হয়। আর এটাও বলা হয়েছে যে, এই রাতটি অন্যান্য রাতে চেয়ে সম্মানিত ও মর্যাদাবান হওয়ার কারণে এতে লাইলাতুল কদর বলা হয় এবং এটাও বর্ণিত আছে: যেহেতু এই রাতে নেক আমল সমূহ কবুল করা হয় আর আল্লাহ পাকের দরবারে তার গুরুত্ব দেয়া হয়, তাই একে লাইলাতুল কদর বলা হয়। (তাকসীরে খাযিন, ৪র্থ খন্ড, ৪৭৩ পৃষ্ঠা) এই মোবারক রাতের আরো অসংখ্য মর্যাদা রয়েছে। বুখারী শরীফে বর্ণিত রয়েছে, প্রিয় নবী ﷺ ইরশাদ করেন: “যে ব্যক্তি লাইলাতুল কদরে ঈমান ও নিষ্ঠার সাথে কিয়াম করলো (অর্থাৎ ইবাদত করলো), তবে তার পূর্ববর্তী (সগীরা) গুনাহ ক্ষমা করে দেয়া হবে।” (বুখারী, ১ম খন্ড, ৬৬০ পৃষ্ঠা, হাদীস: ২০১৪)

৮৩ বছর ৪ মাস ইবাদতের চেয়ে বেশি সাওয়াব

এই পবিত্র রাত কখনোই উদাসীনতায় অতিবাহিত করা উচিত নয়, এই রাতে ইবাদতকারীকে এক হাজার মাস অর্থাৎ ৮৩ বছর ৪ মাসের চেয়েও বেশি ইবাদতের সাওয়াব দান করা হয় আর “বেশি” যে কতো তা আল্লাহ পাক ও তাঁর প্রিয় হাবীব ﷺ ই ভাল জানেন। এই মোবারক

রাতের প্রতিটি মুহূর্ত নিরাপত্তাই নিরাপত্তা এবং এই নিরাপত্তা সুবহে সাদিক পর্যন্ত স্থায়ী থাকে। এটি আল্লাহ পাকের বিশেষতম দয়া যে, এ মহান রাত শুধুই নিজের প্রিয় হাবীব صَلَّى اللهُ عَلَيْهِ وَآلِهِ وَسَلَّمَ কে এবং ছয়র صَلَّى اللهُ عَلَيْهِ وَآلِهِ وَسَلَّمَ এর সদকায় তাঁর উম্মতকে দান করা হয়েছে। আল্লাহ পাক কুরআনে পাকে ইরশাদ করেন:

بِسْمِ اللَّهِ الرَّحْمَنِ الرَّحِيمِ
 إِنَّا أَنْزَلْنَاهُ فِي لَيْلَةِ الْقَدْرِ
 وَمَا أَدْرَاكَ مَا لَيْلَةُ
 الْقَدْرِ ۚ لَيْلَةُ الْقَدْرِ
 خَيْرٌ مِّنْ أَلْفِ شَهْرٍ ۚ تَنْزِيلُ
 الْمَلَكِ وَالرُّوحُ فِيهَا يَأْذِنُ
 رَبُّهُمْ ۖ مِنْ كُلِّ أَمْرِ ۚ سَلَامٌ
 هُوَ حَتَّىٰ مَطَلَعِ الْفَجْرِ ۝

(পারা- ৩০, সূরা- কদর)

কানযুল ঈমান থেকে অনুবাদ:
 আল্লাহ পাকের নামে আরম্ভ,
 যিনি পরম করুণাময়, দয়ালু।
 নিশ্চয় আমি সেটা কদরের রাতে
 অবতীর্ণ করেছি; আর আপনি
 কি জানেন কদর রাত্রি কি?
 কদরের রাত হাজার মাসের
 চেয়ে উত্তম। এতে ফিরিশতাগণ
 ও জিবরাঈল অবতীর্ণ হয়ে
 থাকে স্বীয় রবের আদেশে
 প্রত্যেক কাজের জন্য। ওটা-
 শান্তি- ভোর উদয় হওয়া পর্যন্ত।

মুফাস্সীরিনে কিরামগণ رَحِمَهُمُ اللَّهُ সূরা কদর প্রসঙ্গে বলেন: “এই রাতে আল্লাহ পাক কুরআন মজীদকে লওহে মাহফুয থেকে প্রথম আসমানে অবতীর্ণ করেন, অতঃপর প্রায়

২৩ বছর সময় ধরে নিজের প্রিয় হাবীব, হাবিবে লবীব ﷺ এর প্রতি ক্রমান্বয়ে অবতীর্ণ করেছেন।” (তাকসীরে সাবী, ৬ষ্ঠ খন্ড, ২৩৯৮ পৃষ্ঠা)

রাসূলে পাক ﷺ ইরশাদ করেন: নিশ্চয় আল্লাহ পাক আমার উম্মতকে শবে কদর দান করেছেন আর এই রাত তোমাদের পূর্বে কোন উম্মতকে প্রদান করেননি। (মুসনাদুল ফিরদৌস, ১ম খন্ড, ১৭৩ পৃষ্ঠা, হাদীস: ৬৪৭)

হাজার মাসের চেয়েও উত্তম রাত

হযরত সায্যিদুনা ইমাম মুজাহিদ رَحْمَةُ اللهِ عَلَيْهِ বলেন: বনী ইসরাঈলের এক ব্যক্তি সারা রাত ইবাদত করতো ও সারা দিন জিহাদে লিপ্ত থাকতো আর এভাবে সে হাজারো মাস অতিবাহিত করে দিয়েছিলো, তাই আল্লাহ পাক এই আয়াতে মোবারাকা অবতীর্ণ করেন: “لَيْلَةُ الْقَدْرِ خَيْرٌ مِنْ أَلْفِ شَهْرٍ” (কানযুল ঈমান থেকে অনুবাদ: কদরের রাত হাজার মাসের চেয়ে উত্তম।) অর্থাৎ শবে কদরের কিয়াম (অর্থাৎ রাত জেগে ইবাদত) এই আবিদের (অর্থাৎ ইবাদতকারী) এক হাজার মাস ইবাদতের চেয়ে উত্তম। (তাকসীরে তাবারী, ২৪তম খন্ড, ৫৩৩ পৃষ্ঠা)

আমাদের বয়সতো খুবই কম

আর “তাকসীরে আযিযী”তে বর্ণিত রয়েছে: সম্মানিত

সাহাবায়ে কিরামগণ عَلَيْهِمُ الرِّضْوَان যখন হযরত শামউন رَحْمَةُ اللَّهِ عَلَيْهِ এর ইবাদত ও জিহাদের আলোচনা শুনলেন, তখন তাঁদের হযরত শামউন رَحْمَةُ اللَّهِ عَلَيْهِ এর প্রতি খুবই ঈর্ষা হলো আর প্রিয় নবী صَلَّى اللَّهُ عَلَيْهِ وَآلِهِ وَسَلَّمَ এর বরকতময় খেদমতে আরম্ভ করলেন: “ইয়া রাসূলাল্লাহ صَلَّى اللَّهُ عَلَيْهِ وَآلِهِ وَسَلَّمَ! আমরাতো অতি অল্প বয়সই পেয়েছি, তা থেকেও একটা অংশ ঘুমে চলে যায়, কিছুটা চলে যায় জীবিকার সন্ধানে, রান্না করাতে এবং অন্যান্য পার্থিব কাজকর্মে কিছু সময় অতিবাহিত হয়ে যায়। সুতরাং আমরাতো হযরত শামউন رَحْمَةُ اللَّهِ عَلَيْهِ এর মতো ইবাদত করতেই পারবো না, এভাবে বনী ইস্রাঈলরা ইবাদতে আমাদের চেয়ে এগিয়ে যাবে।” রহমতে আলম, রাসূলে আকরাম, হযুর পুরনূর صَلَّى اللَّهُ عَلَيْهِ وَآلِهِ وَسَلَّمَ তা শুনে চিন্তিত হলেন। তখনই হযরত সাযিদ্‌না জিব্রাঈল আমীন عَلَيْهِ الصَّلَاةُ وَ السَّلَام সূরা কদর নিয়ে বরকতময় খেদমতে উপস্থিত হয়ে গেলেন আর সান্তনা দেয়া হলো যে, “প্রিয় হাবীব صَلَّى اللَّهُ عَلَيْهِ وَآلِهِ وَسَلَّمَ আপনি দুগ্ধিত হবেন না, আপনার উম্মতকে আমি প্রতি বছর এমন একটি রাত দান করে দিয়েছি যে, যদি তারা ঐ রাতে ইবাদত করে, তবে (হযরত) শামউন رَحْمَةُ اللَّهِ عَلَيْهِ এর হাজার মাসের ইবাদত অপেক্ষাও বেশি হয়ে যাবে। (তাফসীরে আযীযী থেকে সংক্ষেপিত, ৩য় খন্ড, ২৫৭ পৃষ্ঠা)

কারামতের অধিকারী শামউনের ঈমান তাজাকারী ঘটনা

সেই হযরত শামউন رَحْمَةُ اللَّهِ عَلَيْهِ সম্পর্কে “মুকাশাফাতুল কুলুব”এ একটি খুবই ঈমান তাজাকারী ঘটনা বর্ণনা করা হয়েছে, এর সারমর্ম কিছুটা এরূপ: বনী ইসরাঈলের এক বুয়ুর্গ হযরত শামউন رَحْمَةُ اللَّهِ عَلَيْهِ হাজার মাস ধরে এভাবে ইবাদত করেছেন যে, রাত জেগে ইবাদত করতেন ও দিনে রোযা রাখার পাশাপাশি আল্লাহ পাকের পথে কাফিরদের বিরুদ্ধে জিহাদও করতেন। তিনি এতোই শক্তিশালী ছিলেন যে, লোহার ভারী ও শক্ত শিকল হাতে ভেঙ্গে ফেলতেন। অপদস্ত কাফিররা যখন দেখলো যে, হযরত শামউন رَحْمَةُ اللَّهِ عَلَيْهِ এর বিরুদ্ধে কোন চক্রান্তই কাজে আসছেনা, তখন পরস্পর পরামর্শ করার পর অনেক ধন সম্পদের লোভ দেখিয়ে তাঁর স্ত্রীকে এই বিষয়ে সম্মত করলো যে, সে কোন রাতে ঘুমন্ত অবস্থায় সুযোগ পেলে তাঁকে খুবই মজবুত রশি দিয়ে বেঁধে তাদের নিকট সমর্পণ করে দেবে। অবিশ্বস্ত স্ত্রী তাই করলো। যখন হযরত শামউন رَحْمَةُ اللَّهِ عَلَيْهِ জাগ্রত হলেন আর নিজেকে রশিতে বন্দী অবস্থায় পেলেন, তখন দ্রুত নিজের শরীরকে নাড়া দিলেন, তখন দেখতে না দেখতেই রশিগুলো ছিঁড়ে গেলো আর হযরত শামউন رَحْمَةُ اللَّهِ عَلَيْهِ

عَلَيْهِ মুক্ত হয়ে গেলেন। অতঃপর তাঁর স্ত্রীকে জিজ্ঞাসা করলেন: “আমাকে কে বেঁধেছে?” অবিশ্বস্ত স্ত্রী মিথ্যার আশ্রয় নিয়ে বলে দিলো: আমি তো আপনার শক্তির পরীক্ষা করার জন্য এমন করেছিলাম। বিষয়টি এখানেই শেষ হয়ে গেলো।

অবিশ্বস্ত স্ত্রী আবারো সুযোগের অপেক্ষায় রইলো। একবার আবারো যখন হযরত শামউন رَحْمَةُ اللَّهِ عَلَيْهِ গভীর নিদ্রায় বিভোর হলেন, তখন ঐ নির্ধুর স্ত্রী তাঁকে লোহার শিকল দিয়ে ভালোভাবে বেঁধে ফেললো। যখনই তাঁর ঘুম ভঙ্গলো, তখন হযরত শামউন رَحْمَةُ اللَّهِ عَلَيْهِ এক টানে শিকলের একেকটা কড়া ছিন্ন করে ফেললেন আর মুক্ত হয়ে গেলেন। স্ত্রী এটা দেখে অস্থির করে উঠলো কিন্তু পুনরায় প্রতারণা করে একই কথা বললো: “আমি তো আপনাকে পরীক্ষা করছিলাম।” কথা প্রসঙ্গে (হযরত) শামউন رَحْمَةُ اللَّهِ عَلَيْهِ তাঁর স্ত্রীর নিকট নিজের রহস্য ফাঁস করে বললেন: আমার প্রতি আল্লাহ পাকের বড়ই অনুগ্রহ, তিনি আমাকে তাঁর বেলায়াতের মর্যাদা দান করেছেন, আমার উপর দুনিয়ার কোন জিনিষই প্রভাব বিস্তার করতে পারবেনা, কিন্তু “আমার মাথার চুল” ছাড়া। চালাক স্ত্রী সব কথা বুঝে গেলো।

হায়! তাকে দুনিয়ার ভালবাসা অন্ধ করে দিয়েছিলো। অবশেষে একবার সুযোগ পেয়ে সে তাঁকে তার আটটি ঐ চুল

দিয়ে বেধে নিলো, যেগুলোর দৈর্ঘ্য ছিল মাটি পর্যন্ত। (হযরত শামউন رَحْمَةُ اللَّهِ عَلَيْهِ ছিলেন পূর্ববর্তী উম্মতের বুযুর্গ, আমাদের প্রিয় নবী, মাদানী মুস্তফা صَلَّى اللَّهُ عَلَيْهِ وَآلِهِ وَسَلَّمَ এর চুলের সূন্নাত হলো, অর্ধ কান, পুরো কান এবং মোবারক কাঁধ পর্যন্ত, কাঁধের নিচে পর্যন্ত পুরুষের চুল বৃদ্ধি করা হারাম।) হযরত শামউন رَحْمَةُ اللَّهِ عَلَيْهِ চোখ খুলেই খুবই শক্তি প্রয়োগ করলেন, কিন্তু মুক্ত হতে পারলেন না। দুনিয়ার সম্পদের নেশায় মত্ত হয়ে অবিশ্বস্ত মহিলা নিজের নেক ও পরহেযগার স্বামীকে শত্রুদের হাতে অর্পন করে দিলো। দুষ্ট কাফিররা হযরত শামউন (رَحْمَةُ اللَّهِ عَلَيْهِ) কে একটি খুঁটির সাথে বেঁধে ফেললো এবং অত্যন্ত নির্মমভাবে তাঁর ঠোঁট ও কান কেটে ফেললো। তখন এই নেক বান্দা আল্লাহ পাকের দরবারে দোয়া করলো: তাঁকে যেন এই বাঁধন খোলার শক্তি দান করা হয় এবং সেই কাফেরদের উপর ছাদ সহ এই খুঁটি ধ্বসিয়ে দেয় আর তাদের থেকে তাঁকে যেন মুক্তি দেয়। সুতরাং আল্লাহ পাক তাঁকে শক্তি দিলেন, তিনি رَحْمَةُ اللَّهِ عَلَيْهِ নাড়া দিলে সেই বাঁধন খুলে গেলো, তখন হযরত শামউন رَحْمَةُ اللَّهِ عَلَيْهِ সেই খুঁটিটি নাড়লেন, যার কারণে ছাদটি কাফেরদের উপর ধ্বসে গেলো এবং তারা সবাই ধ্বংস হয়ে গেলো আর সেই নেকবান্দাকে আল্লাহ পাক মুক্ত করে দিলেন। (মুকাশাফাতুল কুলুব থেকে সংক্ষেপিত, ৩০৬ পৃষ্ঠা)

হায়! আমাদের নিকট গুরুত্ব কিসের!

প্রিয় ইসলামী ভাইয়েরা! দেখলেন তো আপনারা! আল্লাহ পাক তাঁর প্রিয় মাহবুব হযুর صَلَّى اللهُ عَلَيْهِ وَآلِهِ وَسَلَّمَ এর উম্মতের প্রতি কিরূপ দয়াবান এবং তিনি আমাদের উপর কিরূপ মহান দয়া করেছেন, যদি শবে কদরে ইবাদত করে নিই, তবে এক হাজার বছরের ইবাদতের চেয়েও বেশি সাওয়াব পেয়ে যাব। কিন্তু হায়! আমাদের নিকট শবে কদরের গুরুত্ব কোথায়! একদিকে এই সম্মানিত সাহাবায়ে কিরামরাই عَلَيْهِمُ الرِّضْوَان তো ছিলেন, যাঁদের আফসোসের কারণে আমরা সবাই এতো বড় পুরস্কার কোনরূপ প্রার্থনা ছাড়াই পেয়ে গেলাম! নিশ্চয় তাঁরা এর সম্মানও দিয়েছেন, কিন্তু আফসোস! আমরা এর সম্মানও দিলাম না! হায়! প্রতি বছরই পাওয়া এই মহান নেয়ামতকে আমরা উদাসীনতায় অতিবাহিত করে দিই।

নেক আমল পুস্তিকার বরকত

প্রিয় ইসলামী ভাইয়েরা! অন্তরে শবে কদরের মহত্ব বৃদ্ধি করতে আশিকানে রাসূলের দ্বীনি সংগঠন দা'ওয়াতে ইসলামীর দ্বীনি পরিবেশের সাথে সর্বদা সম্পৃক্ত থাকুন। اَلْحَمْدُ لِلّٰهِ মুসলমানদেরকে নেককার ও নামাযী বানানোর জন্য

ইসলামী ভাইদের জন্য ৭২টি, ইসলামী বোনদের জন্য ৬৩টি, ইলমে দ্বীনের ছাত্রদের জন্য ৯২টি এবং ছাত্রীদের জন্য ৮৩টি, মাদানী মুন্না ও মুন্নীদের জন্য ৪০টি, বিশেষ ইসলামী ভাইদের (অর্থাৎ বোবা, বধির ও অন্ধদের) জন্য ২৫টি এবং কয়েদীদের জন্য ৫২টি ‘নেক আমল’ প্রশ্নাকারে সুবিন্যস্ত করা হয়েছে। পরকালিন বিষয়ে চিন্তা-ভাবনা করে দৈনিক ‘নেক আমল’ এর পুস্তিকা পূরণ করে দা’ওয়াতে ইসলামীর নিজের এলাকার যিম্মাদারকে প্রত্যেক মাদানী মাস তথা আরবী মাসের প্রথম তারিখেই জমা করিয়ে দিতে হয়। জানিনা নেক আমলের কতবে ইসলামী ভাই ও ইসলামী বোনের জীবনে মাদানী পরিবর্তন সাধিত করেছে! এর একটি ঝলক লক্ষ্য করুন! নিউ করাচীর এক ইসলামী ভাইয়ের কিছুটা এরূপ বর্ণনা হচ্ছে: এলাকার মসজিদের ইমাম সাহেব যিনি দা’ওয়াতে ইসলামীর সাথে সম্পৃক্ত ছিলেন, একক প্রচেষ্টা করে আমার বড় ভাইজানকে নেক আমলের একটি পুস্তিকা উপহার স্বরূপ দিলেন। ভাইজান ঘরে এসে যখন পড়লেন তখন আশ্চর্য হয়ে গেলেন যে, এই সংক্ষিপ্ত পুস্তিকায় একজন মুসলমানের ইসলামী জীবন ধারণের এতোই সুন্দর সূত্র দেয়া হয়েছে! নেক আমলের পুস্তিকা পাওয়ার বরকতে **اَلْحَمْدُ لِلّٰهِ** তিনি নামাযের প্রেরণা পেলেন ও জামাআত সহকারে নামায আদায়ের জন্য

মসজিদে উপস্থিত হয়ে গেলো এবং এখন তিনি পাঁচ ওয়াক্ত নামাযী হয়ে গেছেন, দাঁড়ি মোবারকও সাজিয়ে নিলেন এবং নেক আমলের পুস্তিকাও পূরণ করে থাকেন।

নেক আমাল কে আমেল পে হারদম হার গড়ি,
ইয়া ইলাহী! খুব বরসা রহমতৌ কি তু ঝড়ি।

নেক আমলের পুস্তিকা পূরণ কারীদের জন্য

মহান সুসংবাদ

প্রিয় ইসলামী ভাইয়েরা! নেক আমলের পুস্তিকা পূরণকারীরা কিরূপ সৌভাগ্যবান, এর অনুমান এই মাদানী বাহার দ্বারা করুন: যেমন; যমযম নগর (হায়দারাবাদ, বাবুল ইসলাম সিন্ধু প্রদেশ) এর এক ইসলামী ভাইয়ের কিছুটা এরূপ শপথমূলক বর্ণনা হচ্ছে যে, ১৪২৬ হিজরীর রজবুল মুরাজ্জব মাসের এক রাতে স্বপ্নে আমার প্রিয় নবী ﷺ এর যিয়ারতের মহান সৌভাগ্য নসীব হলো। হুযুর ﷺ এর ঠোঁট মোবারক নড়ে উঠলো আর রহমতের ফুল ঝড়তে লাগলো, শব্দগুচ্ছ কিছুটা এরূপ সজ্জিত ছিলো: যে এই মাসে নিয়মিত মাদানী ইনআমাত (নেক আমল) সম্পর্কিত ফিক্কে মদীনা (পরকালিন বিষয়ে চিন্তা-ভাবনা) করবে আল্লাহ পাক তাকে ক্ষমা করে দিবেন।

নেক আমাল কি ভী মারহাবা কিয়া বাত হে,
 কুরবে হক কে তালিবৌ কে ওয়াস্তে সওগাত হে।
 صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

প্রিয় ইসলামী ভাইয়েরা! এই রাত চতুর্দিক থেকেই কল্যাণ ও নিরাপত্তার জামিনদার। এই রাতের শুরু থেকে শেষ পর্যন্ত রহমতই রহমত। মুফাসসীরিনে কিরামগণ رَحْمَةُ اللَّهِ عَلَيْهِمْ বলেন: “এই রাত সাপ, বিছু, বিপদাপদ, বালা-মুসিবত এবং শয়তান থেকেও নিরাপদ, এই রাতে নিরাপত্তাই নিরাপত্তা নিহিত।”

সকল কল্যাণ থেকে বঞ্চিত কে?

হযরত সায্যিদুনা আনাস বিন মালিক رَضِيَ اللَّهُ عَنْهُ বলেন: একবার যখন রমযান শরীফের মাস তাশরীফ আনলো, তখন নবী করীম صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “তোমাদের নিকট এই মাসটি এসেছে, যাতে একটি রাত এমনও রয়েছে, যা হাজার মাস অপেক্ষাও উত্তম। যে ব্যক্তি এই রাত থেকে বঞ্চিত হয়ে গেলো, যেনো সকল কল্যাণ থেকে বঞ্চিত হয়ে গেলো আর এর কল্যাণ থেকে বঞ্চিত থাকতো না, কিন্তু ঐ ব্যক্তি যে প্রকৃতপক্ষেই বঞ্চিত।” (ইবনে মাজাহ, ২য় খন্ড, ২৯৮ পৃষ্ঠা, হাদীস: ১৬৪৪)

সবুজ পতাকা

রহমতে আলম, রাসূলে আকরাম, নূরে মুজাস্সাম ﷺ এর একটি বাণীর অংশবিশেষ হচ্ছে: “যখন শবে কদর আসে তখন আল্লাহ পাকের নির্দেশে (হযরত) জিব্রাইল (عَلَيْهِ الصَّلَاةُ وَ السَّلَام) একটি সবুজ পতাকা নিয়ে ফিরিশতাগণের অনেক বড় বাহিনীর নিয়ে পৃথিবীতে অবতরণ করেন (অপর এক বর্ণনানুযায়ী: “এই ফিরিশতাগণের সংখ্যা পৃথিবীর কংকরের চেয়েও বেশী হয়ে থাকে।”^(১)) আর ঐ সবুজ পতাকা কাবা শরীফের উপর উড়িয়ে দেন। (হযরত) জিব্রাইল (عَلَيْهِ الصَّلَاةُ وَ السَّلَام) এর ১০০টি বাহু রয়েছে, যার মধ্য থেকে দু’টি বাহু শুধু এই রাতে খুলে থাকে, সেই বাহুদ্বয় পূর্ব ও পশ্চিমে বিস্তৃত হয়ে যায়, অতঃপর (হযরত) জিব্রাইল (عَلَيْهِ الصَّلَاةُ وَ السَّلَام) ফিরিশতাদেরকে নির্দেশ দেন, যে কোন মুসলমান আজ রাতে কিয়াম, নামায বা আল্লাহ পাকের যিকিরে মশগুল থাকে, তার সাথে সালাম ও মুসাফাহা (করমর্দন) করো, তাছাড়া তাদের দোয়ায় আমীনও বলো। সুতরাং ভোর পর্যন্ত এ ধারাবাহিকতা অব্যাহত থাকে। ভোর হতেই (হযরত) সাযিয়দুনা জিব্রাইল (عَلَيْهِ الصَّلَاةُ وَ السَّلَام) ফিরিশতাগণেকে ফিরে যাওয়ার নির্দেশ দেন। ফিরিশতাগণ আরম্ভ করেন: হে জিব্রাইল (عَلَيْهِ الصَّلَاةُ وَ السَّلَام)!

১. মুসনদে আহমদ, ৩য় খন্ড, ৬০৬ পৃষ্ঠা, হাদীস নং- ১০৭৩৯।

আল্লাহ পাক উম্মতে মুহাম্মদী (عَلَى صَاحِبِهَا الصَّلَاةُ وَالسَّلَام) এর প্রার্থনাগুলোর ব্যাপারে কি করলেন? (হযরত) জিব্রাঈল (عَلَيْهِ الصَّلَاةُ وَالسَّلَام) বলেন: “আল্লাহ পাক তাদের উপর বিশেষ দয়ার দৃষ্টি প্রদান করেছেন এবং চার ধরনের লোক ব্যতীত সকলকে ক্ষমা করে দিয়েছেন।” সাহাবায়ে কিরামগণ (عَلَيْهِمُ الرِّضْوَان) আরয করলেন: “ইয়া রাসূলাল্লাহ صَلَّی اللّٰهُ عَلَیْهِ وَاٰلِهٖ وَسَلَّم! ঐ চার ধরনের লোক কারা? ইরশাদ করলেন: “﴿১﴾ এক তো মদ্যপায়ী ﴿২﴾ দ্বিতীয় মাতাপিতার অবাধ্য ﴿৩﴾ তৃতীয় আত্মীয়তার সম্পর্ক হিন্ধকারী এবং ﴿৪﴾ চতুর্থ ঐসব লোক, যারা পরস্পর হিংসা বিদ্বেষ পোষণ করে এবং পরস্পর সম্পর্ক হিন্ধকারী।” (শুয়াবুল ইমান, ৩য় খন্ড, ৩৩৬ পৃষ্ঠা, হাদীস: ৩৬৯৫)

ঝগড়ার কুফল

হযরত সায্যিদুনা ওবাদা ইবনে সামিত رَضِيَ اللّٰهُ عَنْهُ থেকে বর্ণিত; প্রিয় নবী, মক্কী মাদানী মুস্তফা صَلَّی اللّٰهُ عَلَیْهِ وَاٰلِهٖ وَسَلَّم বাইরে তাশরীফ নিয়ে আসলেন, যেনো আমাদেরকে শবে কদর সম্পর্কে বলবেন (তা কোন রাত) দু’জন মুসলমান পরস্পর ঝগড়া করছিলো। হযুর নবী করীম صَلَّی اللّٰهُ عَلَیْهِ وَاٰلِهٖ وَسَلَّم ইরশাদ করলেন: “আমি এজন্য এসেছিলাম যে, তোমাদেরকে শবে কদর সম্পর্কে বলবো, কিন্তু অমুক অমুক ব্যক্তি ঝগড়া করছিলো, এ কারণে এর নির্দিষ্টকরণ উঠিয়ে নেয়া হয়েছে,

এবং হতে পারে এতেই তোমাদের জন্য মঙ্গল নিহিত, এখন একে (শেষ দশদিনের) ২৯তম, ২৭তম এবং ২৫তম রাতে অব্বেষণ করো।” (বুখারী, ১ম খন্ড, ৬৬৩ পৃষ্ঠা, হাদীস: ২০২৩)

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رَحْمَةُ اللهِ عَلَيْهِ “মিরআত” ৩য় খন্ডের ২১০ পৃষ্ঠায় এই হাদীসে পাকের আলোকে বলেন: অর্থাৎ আমার জ্ঞান থেকে এর নির্ণয়করণ দূর করে দেয়া হয়েছে এবং আমাকে ভুলিয়ে দেয়া হয়েছে, উদ্দেশ্য এমন নয় যে, শবে কদরই নিশ্চিহ্ন করে দেয়া হয়েছে, এখন থেকে তা আর আসবেই না। জানা গেলো, দুনিয়াবী ঝগড়া হচ্ছে অলক্ষুণে, এর কুপ্রভাব অনেক বেশী, এর কারণে আল্লাহ পাকের প্রদত্ত রহমত আটকে যায়।

আমরাতো ভদ্রের সাথে ভদ্র আর ...

প্রিয় ইসলামী ভাইয়েরা! মুসলমানের পরস্পর ঝগড়া বিবাদ করা রহমত থেকে দূরে ছিটকে পড়ার কারণ হয়ে যায়। কিন্তু হায়! এখন কে কাকে বুঝাবে! আজকালতো খুবই গর্ব সহকারে বলা হয় যে, “মিঞা! এই দুনিয়ায় ভদ্র হয়ে জীবন যাপন করাই যায় না, আমরাতো ভদ্রের সাথে ভদ্র আর বদমাশের সাথে বদমাশ!” শুধু এটা বলে ক্ষান্ত হয় না,

এখনতো সামান্য কথায়ও প্রথমে গালাগালি, অতঃপর হাতাহাতি, এরপর ছুরি চালনা বরং গোলাগুলি পর্যন্ত হয়ে যায়। আফসোস! আজকাল কিছু মুসলমান কখনো পাঠান হয়ে, কখনো পাঞ্জাবী দাবী করে, কখনো মুহাজির হয়ে, কখনো সিন্ধী ও বেলুচী জাতীয়তাবাদের শ্লোগান দিয়ে একে অপরের গলা কাটছে, একে অপরের সহায় সম্প্রতিতে আগুন লাগিয়ে দিচ্ছে। পরস্পর একে অপরের বিরুদ্ধে শুধু বংশীয় ও ভাষাগত পার্থক্যের ভিত্তিতে যুদ্ধ বিগ্রহ করে যাচ্ছে। ওহে মুসলমানেরা! আপনারাতো একে অপরের রক্ষক ছিলেন, আপনাদের কি হয়ে গেছে? প্রিয় নবী ﷺ এর মহত্বপূর্ণ বাণী তো এমন যে, “মুমিনদের উদাহরণ তো একটি শরীরের মতোই, যদি একটি অঙ্গ কষ্ট পায়, তবে পুরো দেহই সেই কষ্ট অনুভব করে।” (বুখারী, ৪র্থ খন্ড, ১০৩ পৃষ্ঠা, হাদীস: ৬০১১)

মুবতলায়ে দরদ কোয়ী ওযো হো রোতী হে আখঁ,
কিস কদর হামদরদ সারে জিসম কি হোতী হে আখঁ।

প্রিয় ইসলামী ভাইয়েরা! আমাদের পরস্পরের সাথে ঝগড়া বিবাদ করার পরিবর্তে একে অপরের প্রতি সমবেদনা ও সহমর্মিতা প্রদর্শন করা উচিত। মুসলমান একে অপরকে প্রহারকারী, হত্যাকারী ও লুণ্ঠনকারী হতে পারে না।

মুসলমান, মুমিন ও মুহাজিরের সংজ্ঞা

হযরত সায্যিদুনা ফুদ্বালা বিন ওবাইদ رَضِيَ اللَّهُ عَنْهُ থেকে বর্ণিত, আল্লাহ পাকের সর্বশেষ নবী, রাসূলে পাক صَلَّى اللَّهُ عَلَيْهِ وَآلِهِ وَسَلَّمَ বিদায় হজ্জের সময় ইরশাদ করেন: “তোমাদেরকে কি মুমিন সম্পর্কে বলবো না?” অতঃপর ইরশাদ করেন: “মুমিন হচ্ছে সে, যার কাছ থেকে অন্য মুসলমান নিজের প্রাণ ও নিজের সম্পদের ব্যাপারে নিশ্চিত থাকে আর মুসলমান হচ্ছে সে, যার মুখ ও হাত থেকে অন্য মুসলমান নিরাপদে থাকে আর মুজাহিদ হচ্ছে সে, যে আল্লাহ পাকের আনুগত্যের ক্ষেত্রে নিজের নফসের সাথে লড়াই করে ও মুহাজির হচ্ছে সে, যে ভুল ভ্রান্তি ও গুনাহ থেকে দূরত্ব অবলম্বন করে।” (মুত্তাদরাক, ১ম খন্ড, ১৫৮ পৃষ্ঠা, হাদীস: ২৪) আরো ইরশাদ করেন: “মুসলমানের জন্য জায়য নেই যে, অপর মুসলমানের দিকে চোখ দ্বারা এমনভাবে ইঙ্গিত করবে, যার কারণে কষ্ট অনুভূত হয়। (ইত্তিহাফুস সা'দাত, ৭ম খন্ড, ১৭৭ পৃষ্ঠা) এক স্থানে ইরশাদ করেন: কোন মুসলমানের জন্য জায়য নেই যে, সে কোন মুসলমানকে ভীত-সন্ত্রস্ত করবে। (আবু দাউদ, ৪র্থ খন্ড, ৩৯১ পৃষ্ঠা, হাদীস: ৫০০৪)

তরিকে মুস্তফা কো ছোড়না হে ওয়াজহে বরবাদী,
হিসি সে কওম দুনিয়া মে হোয়ী বে ইকতিদার আপনি।

অসহনীয় চুলকানী

হযরত সাযিয়্যুনা মুজাহিদ رَحْمَةُ اللَّهِ عَلَيْهِ বলেন:
 “দোষখীদেরকে এমন চুলকানীতে লিপ্ত করে দেয়া হবে যে,
 চুলকাতে চুলকাতে তাদের চামড়া খসে পড়বে, এমনকি
 তাদের মধ্যে কারো কারো হাঁড় প্রকাশ পেয়ে যাবে। অতঃপর
 আহ্রান শোনা যাবে; হে অমুক! এতে কি কষ্ট হচ্ছে? তারা
 বলবে: হ্যাঁ। তখন তাদেরকে বলা হবে: “দুনিয়ায় তোমরা যে
 মুসলমানদেরকে কষ্ট দিতে, এটা তারই শাস্তি।” (ইত্তিহাফুস সাঁদাত,
 ৭ম খন্ড, ১৭৫ পৃষ্ঠা)

কষ্ট দূর করার সাওয়াব

হযুরে আকরাম, নূরে মুজাসসাম صَلَّى اللَّهُ عَلَيْهِ وَآلِهِ وَسَلَّمَ
 ইরশাদ করেন: “আমি এক ব্যক্তিকে জান্নাতে ঘুরতে দেখেছি
 যে, যেকোনো ইচ্ছা সেদিকে চলে যাচ্ছিলো, কেননা সে এই
 দুনিয়ায় এমন একটি গাছ রাস্তা থেকে কেটে দিয়েছে, যা
 মানুষকে কষ্ট দিতো।” (মুসলিম, ১৪১০ পৃষ্ঠা, হাদীস: ২৬১৮)

লড়াই করলে, নফসের সাথে করো

প্রিয় ইসলামী ভাইয়েরা! এই বরকতময় হাদীসগুলো
 থেকে শিক্ষা গ্রহণ করুন ও পরস্পর ঝগড়া বিবাদ এবং
 লুটপাট করা থেকে বিরত থাকুন। যদি লড়াই করতেই হয়,

তবে অভিশপ্ত শয়তানের সাথে করুন, নফসে আন্মারার সাথে লড়াই করুন, লড়াইয়ের সময় দ্বীনের শত্রুদের সাথে লড়াই করুন, কিন্তু পরস্পর ভাই ভাই হয়ে থাকুন।

ফরদে কায়েম রাবতে মিল্লাত সে হে তানহা কুচ নেহী
মওজ হে দরিয়্যা মে অওর বেরুনে দরিয়্যা কুচ নেহী

প্রিয় নবী ﷺ মুচকি হাসছিলেন

اَلْحَمْدُ لِلّٰهِ দা'ওয়াতে ইসলামীর দ্বীনি পরিবেশে কোন প্রকারের ভাষাগত ও জাতিগত ভেদাভেদ নেই, প্রত্যেক ভাষার ও প্রত্যেক জাতির মানুষ প্রিয় নবী ﷺ এর দয়াময় আঁচলে আশ্রয় নিয়ে থাকে। আপনিও সর্বদা দা'ওয়াতে ইসলামীর দ্বীনি পরিবেশের সাথে সম্পৃক্ত থাকুন এবং ইশকে রাসূলে ﷺ বিভোর হয়ে জীবন যাপনের জন্য নিজেকে নেক আমলের আদলে সাজিয়ে নিন। উৎসাহ-উদ্দীপনার জন্য একটি সুন্দর সুগন্ধীময় মাদানী বাহার আপনাদের সামনে উপস্থাপন করছি: আশিকানে রাসূলের দ্বীনি সংগঠন দা'ওয়াতে ইসলামীর আন্তর্জাতিক মাদানী মারকায ফয়যানে মদীনা বাবুল মদীনা করাচীতে মাদানী কাফেলা কোর্স করার জন্য আগত রাওয়ালপিন্ডির এক মুবাল্লিগ শপথমূলক যা কিছু লিখে দিয়েছেন তার সারমর্ম

হচ্ছে: আমি আন্তর্জাতিক মাদানী মারকায ফয়যানে মদীনায ঘুমন্ত ছিলাম, কপালের চোখ বন্ধ হতেই **اَلْحَمْدُ لِلّٰهِ** অন্তরের চোখ খুলে গেলো, স্বপ্নের জগতে দেখলাম নবী করীম, রউফুর রহীম **صَلَّى اللّٰهُ عَلَيْهِ وَاٰلِهٖ وَسَلَّم** একটি উচ্চ স্থানে উপবিষ্ট আছেন, পাশেই নেক আমলের পুস্তিকার বস্তা রাখা ছিলো। রাহমাতুল্লিল আলামীন, হুযুর পুরনূর **صَلَّى اللّٰهُ عَلَيْهِ وَاٰلِهٖ وَسَلَّم** নেক আমলের একেকটি পুস্তিকা মুচকি হাসতে হাসতে গভীরভাবে প্রত্যক্ষ করতে লাগলেন। অতঃপর আমার চোখ খুলে গেলো।

নেক আমাল সে আত্তার হাম কো পেয়ার হে,

اِنْ شَاءَ اللّٰهُ দো জাহা মে আপনা বেড়া পার হে।

صَلُّوْا عَلَی الْحَبِیْب! صَلَّی اللّٰهُ عَلَی مُحَمَّدٍ

যাদুকরের যাদু ব্যর্থ

হযরত সাযিযুনা ইসমাঈল হক্কী **رَحْمَةُ اللّٰهِ عَلَيْهِ** উদ্ধৃত করেন: এই রাত বিপদাপদ থেকে নিরাপত্তা প্রদানকারী, এতে রহমত ও কল্যাণই পৃথিবীতে অবতীর্ণ হয়। আর এতে শয়তানের মন্দ কাজ করানোর ক্ষমতা থাকে না এবং যাদুকরের যাদু এতে চলে না। (রুহুল বয়ান, ১০ম খন্ড, ৪৮৫ পৃষ্ঠা)

শবে কদরের নিদর্শন

হযরত সায্যিদুনা ওবাদা বিন সামিত رَضِيَ اللَّهُ عَنْهُ প্রিয় নবী, রাসূলে আরবী صَلَّى اللَّهُ عَلَيْهِ وَآلِهِ وَسَلَّمَ এর দরবারে শবে কদর সম্পর্কে প্রশ্ন করলে আল্লাহর প্রিয় হাবীব, হাবিবে লবীব, হুযুর صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “শবে কদর রমযানুল মোবারকের শেষ দশদিনের বিজোড় রাতগুলোতে একুশতম, তেইশতম, পঁচিশতম, সাতাশতম কিংবা উনত্রিশতম রাতে তালাশ করো। তবে যে কেউ ঈমান সহকারে সাওয়াবের নিয়তে এই মোবারক রাতগুলোতে ইবাদত করে, তার পূর্বাপর গুনাহ ক্ষমা করে দেয়া হয়। এর নিদর্শনের মধ্যে এটাও রয়েছে যে, ঐ মোবারক রাত বিজুত, আলোকিত এবং একেবারে পরিস্কার ও স্বচ্ছ হবে, এতে না বেশি গরম হবে, না বেশি ঠান্ডা বরং এ রাত মাঝামাঝি (নাতিশীতোষ্ণ) হয়, এমন মনে হয় যেনো এতে চাঁদ বিজুত হয়ে থাকে, এই পুরো রাতে শয়তানদেরকে আকাশের নক্ষত্র ছুঁড়ে মারা হয় না। আরো নিদর্শনের মধ্যে এটাও রয়েছে যে, এই রাত অতিবাহিত হওয়ার পর যে ভোর আসে, তাতে সূর্য আলোকরশ্মি বিহীন উদিত হয় এবং তা এমন হয় যেনো চৌদ্দ তারিখের চাঁদ। আল্লাহ পাক সেই দিন সূর্যোদয়ের সাথে শয়তানকে বের হতে বাধা দেন।” (এই দিন ব্যতীত প্রত্যেক দিন সূর্যের সাথে সাথে শয়তানও বের হয়ে যায়) (মুসনদে ইমাম আহমদ, ৮ম খন্ড, ৪০২, ৪১৪ পৃষ্ঠা, হাদীস: ২২৭৭৬, ২২৮২৯)

শবে কদর গোপন রাখার রহস্য

প্রিয় ইসলামী ভাইয়েরা! হাদীসে পাকে বর্ণিত হয়েছে: রমযানুল মোবারকের শেষ দশদিনের বিজোড় রাতগুলোতে বা শেষ রাতের মধ্যে, চাই তা ৩০তম রাতই হোক বা যেকোন এক রাতে শবে কদর রয়েছে। এই রাতকে গোপন রাখার একটি রহস্য এটাও যে, মুসলমানরা এই রাতের অন্তিম প্রতীরাত আত্মা পাকের ইবাদতে অতিবাহিত করার চেষ্টা করবে যে, জানি না কোন রাতে শবে কদর হয়।

সমুদ্রের পানি সুমিষ্ট লেগেছে (ঘটনা)

হযরত সায্যিদুনা ওসমান ইবনে আবুল আস رَضِيَ اللَّهُ عَنْهُ এর গোলাম তাঁর নিকট আরয করলো: “হে আমার মালিক (رَضِيَ اللَّهُ عَنْهُ)! নৌকা চালনায় আমার জীবনের একটি (বিরাত) অংশ অতিবাহিত হয়েছে, আমি সমুদ্রের পানিতে এমন একটি আশ্চর্যজনক বিষয় অনুভব করেছি।” জিজ্ঞাসা করলেন: “সেই আশ্চর্যজনক বিষয়টি কি?” আরয করলো: “হে আমার মালিক (رَضِيَ اللَّهُ عَنْهُ)! প্রতি বছর এমন একটি রাতও আসে, যে রাতে সমুদ্রের পানি সুমিষ্ট হয়ে যায়।” তিনি رَضِيَ اللَّهُ عَنْهُ গোলামকে বললেন: “এবার খেয়াল রেখো, যখনই পানি সুমিষ্ট হয়ে যাবে আমাকে জানাবে।” যখন রমযানের ২৭তম

রাত আসলো, তখন গোলাম মালিকের দরবারে আরয করলো: “মালিক! আজ সমুদ্রের পানি সুমিষ্ট হয়ে গেছে।”

(তাকসীরে আযীযী, ৩য় খন্ড, ২৫৮ পৃষ্ঠা। তাকসীরে কবীর, ১১তম খন্ড, ২৩০ পৃষ্ঠা)

আল্লাহ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক।

أَمِينٌ بِجَاءِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ

আমরা নিদর্শন কেন দেখিনা?

প্রিয় ইসলামী ভাইয়েরা! শবে কদরের বিভিন্ন নিদর্শনের আলোচনা পূর্বে উল্লেখ করা হয়েছে। আমাদের মনে এ প্রশ্ন জাগতে পারে যে, আমাদের জীবনের অনেক বছর অতিবাহিত হয়ে গেছে, প্রতি বছর শবে কদর আসছে ও চলে যাচ্ছে, কিন্তু আমরাতো এখনো পর্যন্ত এর নিদর্শন দেখতে পেলাম না? এর উত্তরে ওলামায়ে কিরামগণ رَحِمَهُمُ اللَّهُ বলেন: এসব বিষয়ের সম্পর্ক কাশ্ফ ও কারামাতের সাথে, তা সাধারণ মানুষ দেখবে না। শুধুমাত্র তারাই দেখবে, যাঁদের অন্তর্দৃষ্টির নেয়ামত অর্জিত। সর্বদা গুনাহের আবর্জনায় জড়িয়ে থাকা পাপী লোক এসব দৃশ্য কিভাবে দেখতে পারে!

আখ ওয়ালা তেরে জওবন কা তামাশা দেখে,
দী'দায়ে কোর কো কিয়া আয়ে নযর কেয়া দেখে।

বিজোড় রাতগুলোতে অন্বেষণ করো

উম্মুল মুমিনীন হযরত সাযিদ্দাতুনা আয়েশা সিদ্দিকা رَضِيَ اللَّهُ عَنْهَا থেকে বর্ণিত; আমার মাথার মুকুট, নবী করীম, রউফুর রহীম صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “শবে কদরকে রমযানুল মোবারকের শেষ দশদিনের বিজোড় রাতগুলোতে (অর্থাৎ একুশতম, তেইশতম, পঁচিশতম, সাতাইশতম ও উনত্রিশতম রাতে) অন্বেষণ করো।” (বুখারী, ১ম খন্ড, ৬৬২ পৃষ্ঠা, হাদীস: ২০১৭)

শেষ সাত রাতে অন্বেষণ করো

হযরত সাযিদ্দাতুনা আব্দুল্লাহ ইবনে ওমর رَضِيَ اللَّهُ عَنْهُمَا থেকে বর্ণিত: তাজেদারে পুস্তিকাত, শাহানশাহে নবুয়ত, মাহবুবে রব্বুল ইয্যত, হুযুর পুরনূর صَلَّى اللَّهُ عَلَيْهِ وَآلِهِ وَسَلَّمَ এর কতিপয় সাহাবায়ে কিরামগণকে عَلَيْهِمُ الرِّضْوَان শেষ সাত রাতে শবে কদর দেখানো হয়েছে। হুযুর পুরনূর صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “আমি দেখছি যে, তোমাদের স্বপ্ন শেষ সাত রাতে সম্মত হয়ে গেছে। তাই এর অন্বেষণকারীরা যেনো তা শেষ সাত রাতে অন্বেষণ করে।” (বুখারী, ১ম খন্ড, ৬৬০ পৃষ্ঠা, হাদীস: ২০১৫)

লাইলাতুল কদর গোপন কেন?

প্রিয় ইসলামী ভাইয়েরা! আল্লাহ পাকের পবিত্র নিয়ম

হচ্ছে যে, তিনি কিছু গুরুত্বপূর্ণ বিষয়কে নিজ ইচ্ছায় বান্দাদের নিকট গোপন রেখেছেন। যেমন বর্ণিত আছে: “আল্লাহ পাক নিজের সন্তুষ্টিকে নেকীর মাঝে, নিজের অসন্তুষ্টিকে গুনাহের মাঝে এবং নিজের আউলিয়াগণকে **رَحْمَتُهُمُ اللَّهُ** কে তাঁর বান্দাদের মাঝে গোপন রেখেছেন।” (আখলাখুস সালেহীন, ৫৬ পৃষ্ঠা) এর মূল কারণ হচ্ছে, বান্দারা যেনো ছোট মনে করে কোন নেকী ছেড়ে না দেয়। কেননা সে জানে না যে, আল্লাহ পাক কোন নেকীতে সন্তুষ্ট হবেন, হতে পারে বাহ্যিকভাবে অতি নগণ্য নেকীতেই আল্লাহ পাক সন্তুষ্ট হবেন। যেমন; কিয়ামতের দিন একজন গুনাহগার ব্যক্তিকে শুধুমাত্র একারণেই ক্ষমা করে দেয়া হবে যে, সে এক পিপাসার্ত কুকুরকে দুনিয়ায় পানি পান করিয়েছিলো। অনুরূপভাবে নিজের অসন্তুষ্টিকে গুনাহের মাঝে গোপন রাখার রহস্য হচ্ছে যে, বান্দা যেনো কোন গুনাহকে ছোট মনে করে সম্পন্ন করে না বসে, ব্যস যেনো গুনাহ থেকে বাঁচতে থাকে। কেননা তারা জানে না যে, আল্লাহ পাক কোন গুনাহের কারণে অসন্তুষ্ট হয়ে যাবেন? অনুরূপভাবে আউলিয়া কিরামকে **رَحْمَتُهُمُ اللَّهُ** বান্দাদের মাঝে এজন্যই গোপন রেখেছেন যে, মানুষ যেনো প্রত্যেক নেককার, শরীয়তের অনুসারী মুসলমানের প্রতি যত্নবান ও সম্মান বজায় রাখে, কেননা হতে

পারে, “তিনি” আল্লাহ পাকের ওলী। যখন আমরা নেক লোকদের প্রতি মন থেকে সম্মান করবো, কু-ধারণা থেকে বিরত থাকবো এবং সকল মুসলমানকে নিজের চেয়ে উত্তম মনে করতে থাকবো, তখন আমাদের সমাজও ঠিক হয়ে যাবে এবং **إِنْ شَاءَ اللَّهُ** আমাদের পরকালও সজ্জিত হয়ে যাবে।

হিকমতের মাদানী ফুল

ইমাম ফখরুদ্দীন রাযী **رَحْمَةُ اللَّهِ عَلَيْهِ** ‘তায়সীরে কবীর’ এ বলেন: আল্লাহ পাক শবে কদরকে কয়েকটি কারণে গোপন রেখেছেন। প্রথমত: যেভাবে অন্যান্য জিনিসকে গোপন রেখেছেন, যেমন আল্লাহ পাক নিজের সন্তুষ্টিকে নিজের আনুগত্যে গোপন রেখেছেন, যেনো বান্দা প্রতিটি আনুগত্যের প্রতি উৎসাহ অর্জন করে। নিজের গজবকে গুনাহের মাঝে গোপন রেখেছেন, যেনো প্রত্যেক গুনাহ থেকে বিরত থাকে। নিজের ওলীদেরকে মানুষের মাঝে গোপন রেখেছেন, যেনো লোকেরা সবাইকে সম্মান করে, দোয়া কবুল হওয়াকে দোয়ার মাঝে গোপন রেখেছেন, যেনো সবাই দোয়ায় মশগুল থাকে এবং ইসমে আযমকে নাম সমূহের মধ্যে গোপন রেখেছেন, যেনো সব নাম মোবারকের প্রতি সম্মান প্রদর্শন করে। ‘সালাতে ওসত্বা’কে নামাযের মাঝে গোপন রেখেছেন, যেনো সকল নামাযের প্রতি যত্নবান হয় এবং তাওবা কবুল হওয়াকে

গোপন রেখেছেন, যেনো বান্দা প্রত্যেক প্রকারের তাওবা সর্বদা করতে থাকে এবং মৃত্যুর সময়কে গোপন রেখেছেন, যেনো বান্দা ভয় করতে থাকে। অনুরূপভাবে শবে কদরকেও গোপন রেখেছেন, যেনো রমযানুল মোবারকের সকল রাতের প্রতি সম্মান দেখায়। দ্বিতীয়ত: আল্লাহ পাক যেনো ইরশাদ করেন: “যদি আমি শবে কদরকে নির্দিষ্ট করে (তোমাদের নিকট প্রকাশ করে) দিতাম এবং আমি তোমাদের গুনাহের কথাও জানি, তবে যদি কখনো যৌন তাড়না তোমাকে এ রাতে গুনাহের নিকটে নিয়ে যায় এবং তুমি গুনাহে লিপ্ত হয়ে যেতে, তবে তোমার এ রাত সম্পর্কে জানা থাকা সত্ত্বেও গুনাহ করা, না জেনে গুনাহ করার চেয়ে বেশী জঘন্য হতো, সুতরাং এ কারণেই আমি একে গোপন রেখেছি। তৃতীয়ত: আমি এ রাতকে গোপন রেখেছি, যেনো বান্দা এর অন্তেষণে পরিশ্রম করে এবং এই পরিশ্রমের সাওয়াব অর্জন করে। চতুর্থত: যখন বান্দা শবে কদর সম্পর্কে নিশ্চিত হবে না, তখন রমযানুল মোবারকের প্রতিটি রাতে আল্লাহ পাকের ইবাদত করার চেষ্টা করবে, এ আশায় যে, হয়তো এই রাতটিই শবে কদর। (তাকসীরে কবীর, ১১তম খন্ড, ২৯ পৃষ্ঠা, সংক্ষেপিত)

বহরের যে কোন রাত শবে কদর হতে পারে

শবে কদরের নির্দিষ্টকরণের ক্ষেত্রে ওলামায়ে কিরামের **رَحْمَةُ اللَّهِ** অনেক মতামত পাওয়া যায়। এমনকি কিছু বুয়ুর্গের **رَحْمَةُ اللَّهِ عَلَيْهِ** মতে শবে কদর পুরো বছর ঘুরতে থাকে, যেমন: হযরত সাযিদ্‌না আবদুল্লাহ ইবনে মাসউদ **رَضِيَ اللَّهُ عَنْهُ** বলেন: শবে কদর ঐ ব্যক্তিই পেতে পারে, যে পুরো বছরই রাতের প্রতি মনোযোগ রাখে। (তাকসীরে কবীর, ১১ত খন্ড, ২৩০ পৃষ্ঠা) এ অভিমতকে সমর্থন করে ইমামুল আরিফীন সাযিদ্‌না শায়খ মুহিউদ্দীন ইবনে আরাবী **رَحْمَةُ اللَّهِ عَلَيْهِ** বলেন: আমি শা'বানুল মু'আযযমের ১৫তম রাত (অর্থাৎ শবে বরাত) এবং একবার শা'বানুল মু'আযযমের ১৯তম রাতে শবে কদর পেয়েছি। তাছাড়া রমযানুল মোবারকের ১৩তম রাত ও ১৮তম রাতেও দেখেছি, এবং বিভিন্ন বছরে রমযানুল মোবারকের শেষ দশদিনের বিজোড় রাতগুলোতে তা পেয়েছি। তিনি আরো বলেন: যদিও বেশির ভাগ ক্ষেত্রে শবে কদর রমযানুল মোবারকেই পাওয়া যায়, তবুও আমার অভিজ্ঞতাতো এটাই যে, এটি পূর্ণ বছরই ঘুরতে থাকে, এর জন্য কোন এক রাতই নির্দিষ্ট নয়। (ইত্তিহাফুস সা'দাত, ৪র্থ খন্ড, ৩৯২ পৃষ্ঠা)

হযুর পুরনূর ﷺ এর

শায়খাইন **رَضِيَ اللَّهُ عَنْهُمْ** সহ আগমন

الْحَمْدُ لِلَّهِ দা'ওয়াতে ইসলামীর দ্বীনি পরিবেশে রমযানুল
 মোবারকের ইতিকারফের অনেক বাহার হয়ে থাকে, পৃথিবীর
 বিভিন্ন স্থানে ইসলামী ভাইয়েরা মসজিদে ও ইসলামী বোনেরা
 'মসজিদে বায়তে' (ঘরের নির্ধারিত স্থানে) ইতিকারফের সৌভাগ্য
 অর্জন করে থাকে এবং অনেক নূরানিয়্যত অর্জন করে,
 উৎসাহের জন্য একটি মাদানী বাহার আপনাদের সামনে
 উপস্থাপন করা হচ্ছে: লিয়াকতপুর, জিলা রহিম ইয়ারখান,
 পাঞ্জাবের এক ইসলামী ভাইয়ের বর্ণনার সারাংশ হচ্ছে: আমি
 সিনেমার এতই আসক্ত ছিলাম যে, আমাদের গ্রামের সিডির
 দোকানের প্রায় অর্ধেক সিডি দেখে ফেললাম। الْحَمْدُ لِلَّهِ
 তালবানী গ্রামের মাদানী মসজিদে রমযান মোবারকের (১৪২২
 হিজরী, ২০০১ সাল) শেষ দশ দিনে আমার ইতিকারফ করার
 সৌভাগ্য নসীব হয়ে গেলো। দা'ওয়াতে ইসলামীর আশিকানে
 রাসূলের সংস্পর্শের বরকতের কথা কি আর বলবো! ২৭
 রমযান মোবারকের স্মরণীয় ঈমান তাজাকারী ঘটনা
 নেয়ামতের কৃতজ্ঞতা স্বরূপ বর্ণনা করছি: সারা রাত জাগ্রত
 থেকে আমি খুবই কেঁদে কেঁদে হুযুর صَلَّى اللَّهُ عَلَيْهِ وَآلِهِ وَسَلَّمَ এর
 দিদারের প্রার্থনা করেছি। الْحَمْدُ لِلَّهِ ভোরের সময় আমার উপর
 দয়ার দরজা খুলে গেলো, আমি নিজেকে স্বপ্নের জগতে কোন
 এক মসজিদের ভেতর দেখলাম, ইতোমধ্যে কেউ ঘোষণা

করলো: “নবী করীম, রউফুর রহীম صَلَّى اللهُ عَلَيْهِ وَآلِهِ وَسَلَّمَ তাশরীফ নিয়ে আসছেন আর নামাযের ইমামতি করবেন।” কিছুক্ষণের মধ্যেই তাজেদারে রিসালত, শাহানশাহে নবুয়ত, হযুর صَلَّى اللهُ عَلَيْهِ وَآلِهِ وَسَلَّمَ শায়খাইন তথা হযরত আবু বকর ছিদ্দিক ও ওমর ফারুককে আযম رَضِيَ اللهُ عَنْهُمَا সহ তাশরীফ নিয়ে আসলেন এবং আমার চোখ খুলে গেলো। শুধু এক ঝলক দেখলাম আর সেই সুন্দর অবয়ব কোথায় অদৃশ্য হয়ে গেলো, এতেই মন ভরে উঠলো ও চোখ দিয়ে অশ্রু প্রবাহিত হতে লাগল, এমনকি কাঁদতে কাঁদতে আমার হিচকী উঠে গেলো, হায়!

ইতনি মুদত তক হো দিদে মুসহাফে আরিয নসীব,
হিফয করলো নাযেরা পড় পড়কে কুরআনে জামাল। (যওকে নাত)

اَلْحَمْدُ لِلّٰهِ এরপর আমার অন্তরে আশিকানে রাসূলের দ্বীন সংগঠন দা’ওয়াতে ইসলামীর প্রতি ভালবাসা আরো বৃদ্ধি পেলো বরং আমি দা’ওয়াতে ইসলামীরই হয়ে গেলাম। ঘর থেকে আমি বাবুল মদীনা করাচীর দিকে রওয়ানা হয়ে গেলাম এবং দরসে নিজামী করার জন্য জামেয়াতুল মদীনায়ে ভর্তি হয়ে গেলাম। এই বয়ান দেয়ার সময় দরজায়ে উলাতে ইলমে দ্বীন অর্জন করার পাশাপাশি সাংগঠনিকভাবে যেলী হালকার কাফেলা যিম্মাদার হিসাবে দা’ওয়াতে ইসলামীর মাদানী কাজের সাড়া জাগানোর চেষ্টা করছি।

জলওয়ায়ে ইয়ার কি আরযু হে আগর,
মাদানী মাহোল মে করলো তুম ইতিকাহ।
মিঠে আক্বা করেঙ্গে করম কি নয়র,
মাদানী মাহোল মে করলো তুম ইতিকাহ।

(ওয়াসায়িলে বখশীশ, ৬৩৯ পৃষ্ঠা)

صَلُّوا عَلَى الْكَبِيرِ! صَلَّى اللَّهُ عَلَى مُحَمَّدٍ

ইমাম আযম, ইমাম শাফেয়ী, ইমাম আবু ইউসুফ ও ইমাম মুহাম্মদের উক্তি সমূহ

সায়্যিদুনা ইমাম আযম আবু হানিফা رَحْمَةُ اللَّهِ عَلَيْهِ এর পক্ষ থেকে এ প্রসঙ্গে দু'টি উক্তি বর্ণিত আছে: ﴿১﴾ লাইলাতুল কদর রমযানুল মোবারকেই রয়েছে, কিন্তু কোন রাত নির্ধারিত নয়। ﴿২﴾ সায়্যিদুনা ইমাম আবু হানিফা رَحْمَةُ اللَّهِ عَلَيْهِ এর এক প্রসিদ্ধ অভিমত হচ্ছে: লাইলাতুল কদর পুরো বছরই ঘুরতে থাকে, কখনো রমযানুল মোবারক মাসে আর কখনো অন্যান্য মাসে। এই অভিমত সায়্যিদুনা আব্দুল্লাহ ইবনে আব্বাস, সায়্যিদুনা আব্দুল্লাহ ইবনে মাসউদ ও সায়্যিদুনা ইকরামা رَضِيَ اللَّهُ عَنْهُمْ থেকেও বর্ণিত।

(ওমদাতুল কারী, ৮ম খন্ড, ২৫৩ পৃষ্ঠা, ২০১৫ নং হাদীসের পাদটিকা)

সায়্যিদুনা ইমাম শাফেয়ী رَحْمَةُ اللَّهِ عَلَيْهِ এর মতে, “শবে কদর” রমযানুল মোবারকের শেষ দশ দিনে রয়েছে আর সেই

রাতটি নির্দিষ্ট, এতে কিয়ামত পর্যন্ত কোন পরিবর্তন হবে না।

(প্রাণ্ড)

সায়িদ্‌না ইমাম আবু ইউসুফ এবং সায়িদ্‌না ইমাম মুহাম্মদ رَحْمَةُ اللَّهِ عَلَيْهِمَا এর মতে, লাইলাতুল কদর রমযানুল মোবারকেই, তবে কোন রাত নির্দিষ্ট নেই, আর তাঁর আরেকটি উক্তি হলো, রমযানুল মোবারকের শেষ পনের রাতের মধ্যে লাইলাতুল কদর হয়। (প্রাণ্ড)

শবে কদর পরিবর্তন হতে থাকে

সায়িদ্‌না ইমাম মালিকের رَحْمَةُ اللَّهِ عَلَيْهِ মতে: শবে কদর রমযানুল মোবারকের শেষ দশদিনের বিজোড় রাতগুলোর মধ্যে হয়। কিন্তু কোন একটি রাত নির্ধারিত নেই, প্রতি বছর এ বিজোড় রাতগুলোতে ঘুরতে থাকে, অর্থাৎ কখনো ২১তম রাতে লাইলাতুল কদর হয়ে যায়, কখনো ২৩তম রাতে, কখনো ২৫তম, কখনো ২৭তম এবং কখনো কখনো ২৯তম রাতে শবে কদর হয়ে যায়। (উমদাতুল ক্বারী, ১ম খন্ড, ৩৩৫ পৃষ্ঠা)

শায়খ আবুল হাসান শাযেলী رَحْمَةُ اللَّهِ عَلَيْهِ ও শবে কদর

কাদেরীয়া শাযেলীয়া তরিকার মহান বুয়ুর্গ হযরত সায়িদ্‌না শায়খ আবুল হাসান শাযেলী رَحْمَةُ اللَّهِ عَلَيْهِ বলেন: “কখনো যদি রবিবার কিংবা বুধবার প্রথম রোযা হয় তবে ২৯তম রাতে, যদি সোমবার প্রথম রোযা হয় তবে ২১তম

রাতে, যদি প্রথম রোযা মঙ্গল বা শুক্রবার হয় তবে ২৭তম রাতে, প্রথম রোযা বৃহস্পতিবার হলে ২৫তম রাতে এবং প্রথম রোযা যদি শনিবার হয় তবে ২৩তম রাতে শবে কদর পেয়েছি।” (তাকসীরে সা’জী, ৬ষ্ঠ খন্ড, ২৪০০ পৃষ্ঠা)

২৭তম রাত শবে কদর

যদিও বুয়ুর্গানে দ্বীন, মুফাস্সির ও মুহাদ্দিসরা **رَحْمَةُ اللَّهِ** শবে কদর নির্ণয়ের ক্ষেত্রে মতবিরোধ রয়েছে, তবে অধিকাংশেরই অভিমত হচ্ছে, প্রতি বছর রমযানুল মোবারকের ২৭তম রাতেই শবে কদর হয়ে থাকে। হযরত সাযিদ্দুনা উবাই বিন কা’ব **رَضِيَ اللَّهُ عَنْهُ** এর মতে, রমযানের ২৭তম রাতেই “শবে কদর”। (মুসলিম, ৩৮৩ পৃষ্ঠা, হাদীস: ৭৬২)

হযরত সাযিদ্দুনা শাহ আব্দুল আযীয মুহাদ্দিস দেহলভী **رَحْمَةُ اللَّهِ عَلَيْهِ** ও বলেন: শবে কদর রমযান শরীফের ২৭তম রাতে হয়ে থাকে। নিজের মতের সমর্থনে তিনি দু’টি দলীল বর্ণনা করেন: ﴿١﴾ “লাইলাতুল কদর” শব্দটিতে ৯টি বর্ণ রয়েছে এবং এ শব্দটি সূরা কদরে তিনবার রয়েছে, এভাবে ‘তিনকে নয় দিয়ে গুণ করলে গুণফল হয় ‘সাতাইশ’, যা এ কথার দিকে ইঙ্গিত বহন করছে যে, শবে কদর ২৭তম রাতে হয়ে থাকে। ﴿٢﴾ এ সূরা মোবারকায় ত্রিশটি শব্দ

রয়েছে। তন্মধ্যে ২৭তম বর্ণ হচ্ছে, “**هٰٓ**” যা দ্বারা ‘লাইলাতুল কদর’ বুঝানো হয়। সুতরাং যেন আল্লাহ পাকের পক্ষ থেকে নেককার লোকদের জন্য এই ইঙ্গিত দেয়া হয়েছে যে, রমযান শরীফের ২৭তম রাতই শবে কদর হয়ে থাকে। (তফসীরে আযীযী, ৩য় খন্ড, ২৫৯ পৃষ্ঠা)

যেন শবে কদর অর্জন করে নিলো

হযূরে আকরাম **صَلَّى اللّٰهُ عَلَيْهِ وَاٰلِهٖ وَسَلَّم** ইরশাদ করেন: যে “**لَا إِلَهَ إِلَّا اللّٰهُ الْحَلِيمُ الْكَرِيمُ سُبْحَنَ اللّٰهِ رَبِّ السَّمٰوٰتِ السَّنْعِ وَرَبِّ الْعَرْشِ الْعَظِيمِ**” (২) তিনবার পাঠ করবে, তবে সে যেনো শবে কদর অর্জন করে নিলো। (ইবনে আসাকির, ৬৫তম খন্ড, ২৭৬ পৃষ্ঠা) সম্ভব হলে প্রতি রাতে তিনবার এই দোয়া পাঠ করে নেয়া উচিত।

আল্লাহ পাকের সম্ভৃষ্টি প্রার্থীরা! সম্ভব হলে সারা বছরই প্রতি রাতে কিছু না কিছু নেককাজ অবশ্যই করে নেয়া উচিত, কেননা জানি না কখন শবে কদর হয়ে যায়। প্রতিটি রাতে দু’টি ফরয নামায আসে, অন্যান্য নামাযের পাশাপাশি মাগরীব ও ইশার নামাযের জামাআতের প্রতি খুবই গুরুত্ব দেয়া উচিত, কারণ যদি শবে কদরে সেই দু’টি নামাযের

২. অনুবাদ: অর্থাৎ আল্লাহ পাক ব্যতীত কেউ ইবাদতের উপযুক্ত নেই, যিনি সহনশীল এবং দয়ালু, আল্লাহ পাক পবিত্র, যিনি সন্ত আসমান ও আরশে আযীমের মালিক।

জামাআত ভাগ্যে জুটে যায়, তবে **إِنْ شَاءَ اللَّهُ** তরী তীরে পৌঁছে যাবে, বরং এমনিভাবে পাঁচ ওয়াক্ত নামাযের পাশপাশি প্রতিদিন ইশা ও ফযরের নামাযের জামাআতের প্রতিও বিশেষ গুরুত্ব দেয়ার অভ্যাস গড়ে নিন। **هَيُّوْهُ** এর **صَلَّى اللَّهُ عَلَيْهِ وَآلِهِ وَسَلَّمَ** এর দু'টি বাণী লক্ষ্য করুন: ﴿١﴾ যে ব্যক্তি ইশার নামায জামাআত সহকারে পড়েছে, সে যেনো অর্ধরাত ইবাদত করেছে এবং যে ব্যক্তি ফযরের নামায জামাআত সহকারে আদায় করেছে, সে যেনো পুরো রাতই কিয়াম (ইবাদত) করেছে। (মুসলিম, ৩২৯ পৃষ্ঠা, হাদীস: ৬৫৬) ﴿٢﴾ যে ব্যক্তি ইশার নামায জামাআত সহকারে পড়েছে, নিশ্চয় সে যেনো লাইলাতুল কদর থেকে নিজের অংশ অর্জন করে নিয়েছে। (মু'জামুল কবীর, ৮ম খন্ড, ১৭৯ পৃষ্ঠা, হাদীস: ৭৭৪৫)

আল্লাহ পাক রহমতের সন্ধানকারীরা! যদি সারা বছরই জামাআতে নামায পড়ার অভ্যাস থাকে, তবে শবে কদরেও এ দু'টি নামাযের জামাআত **إِنْ شَاءَ اللَّهُ** নসীব হয়ে যাবে এবং রাতভর ঘুমানো সত্ত্বেও **إِنْ شَاءَ اللَّهُ** প্রতিদিনের মতো শবে কদরেও পুরো রাত ইবাদতকারী হিসাবে গন্য হবে।

শবে কদরের দোয়া

উম্মুল মুমিনীন হযরত সাযিদ্দাতুনা আয়েশা সিদ্দিকা **رَضِيَ اللَّهُ عَنْهَا** বলেন: আমি প্রিয় নবী, রাসূলে আরবী **صَلَّى اللَّهُ عَلَيْهِ وَآلِهِ وَسَلَّمَ**

وَسَلَّمَ এর বরকতময় দরবারে আরয করলাম: “ইয়া রাসূল্লাহ صَلَّی اللّٰهُ عَلَیْهِ وَاٰلِهٖ وَسَلَّم যদি আমি শবে কদর সম্পর্কে জানতে পারি তবে আমি কি পড়বো?” ইরশাদ করলেন: “এভাবে প্রার্থনা করো: اَللّٰهُمَّ اِنَّكَ عَفُوٌّ كَرِيْمٌ تُحِبُّ الْعَفْوَ فَاعْفُ عَنِّي - অর্থাৎ হে আল্লাহ পাক! নিশ্চয় তুমি ক্ষমাশীল ও ক্ষমা করা পছন্দ করো, তাই আমাকে ক্ষমা করে দাও। (তিরমিযী, ৫ম খন্ড, ৩০৬ পৃষ্ঠা, হাদীস: ৩৫২৪)

প্রিয় ইসলামী ভাইয়েরা! হায়! আমরাও যদি প্রতি রাতে এ দোয়াটি কমপক্ষে একবার করে পড়ে নিই যে, কখনোতো শবে কদর ভাগ্যে নসীব হয়ে যাবে। আর ২৭তম রাতে এ দোয়া তো বারবার পাঠ করা উচিত।

শবে কদরের বিভিন্ন নফল

হযরত সায্যিদুনা ইসমাইল হক্কী رَحْمَةُ اللّٰهِ عَلَیْهِ “তাফসীরে রুহুল বয়ান” এর মধ্যে এ বর্ণনাটি উদ্ধৃত করেছেন: যে ব্যক্তি শবে কদরে একনিষ্টতার নিয়তে নফল পড়বে, তার পূর্বাপর গুনাহ ক্ষমা হয়ে যাবে। (রুহুল বয়ান, ১০ম খন্ড, ৪৮০ পৃষ্ঠা)

হুযুর পুরনুর صَلَّی اللّٰهُ عَلَیْهِ وَاٰلِهٖ وَسَلَّم যখন রমযানুল মোবারকের শেষ দশদিন আসতো, তখন ইবাদতের জন্য পূর্ণ প্রস্তুতি গ্রহণ করতেন, এর মধ্যে রাতে জাগ্রত থাকতেন এবং নিজ পরিবারের সদস্যদেরকে জাগাতেন। (ইবনে মাজাহ, ২য় খন্ড, ৩৫৭ পৃষ্ঠা, হাদীস: ১৭৬৮)

হযরত সায্যিদুনা ইসমাঈল হকী رَحْمَةُ اللَّهِ عَلَيْهِ উদ্ধৃত করেন: বুয়ুর্গানে দ্বীন رَحْمَتُهُمُ اللَّهُ এ দশদিন প্রতি রাতে দু'রাকাত নফল নামায শবে কদরের নিয়্যতে পড়তেন। তাছাড়া পূর্ববর্তী কিছু সংখ্যক বুয়ুর্গ থেকে উদ্ধৃত, যে প্রতি রাতে দশ আয়াত এ নিয়্যতে পড়ে নিবে, তবে এর বরকত ও সাওয়াব থেকে বঞ্চিত হবে না।

প্রিয় ইসলামী ভাইয়েরা! নিশ্চয় এ রাতে বরকতের ঝর্ণাধারা প্রবাহিত হয়। যেমনটি হযরত সায্যিদুনা আনাস বিন মালিক رَضِيَ اللَّهُ عَنْهُ বলেন: একবার যখন রমযান শরীফ তাশরীফ নিয়ে আসলো তখন হুযুরে আকরাম, নূরে মুজাস্‌সাম, রাসুলে আকরাম, শাহানশাহে বনী আদম صَلَّى اللَّهُ عَلَيْهِ ইরশাদ করেন: “তোমাদের নিকট এমন এক মাস এসেছে, যাতে একটি রাত এমনও রয়েছে, যা হাজার মাস থেকে উত্তম। যে ব্যক্তি এ রাত থেকে বঞ্চিত রয়েছে, যেন সকল কল্যাণ থেকে বঞ্চিত রয়েছে এবং এর কল্যাণ থেকে বঞ্চিত হতো না, কিন্তু সে ব্যক্তি আসলেই বঞ্চিত। (ইবনে মাজাহ, ২য় খন্ড, ২৯৮ পৃষ্ঠা, হাদীস: ১৬৪৪)

হে আমাদের প্রিয় আল্লাহ! তোমার প্রিয় হাবীব صَلَّى اللَّهُ عَلَيْهِ وَآلِهِ وَسَلَّمَ এর ওসীলায় আমরা গুনাহগারদেরকে লাইলাতুল কদরের বরকত দ্বারা ধন্য হবার ও অধিক পরিমাণে তোমার

ইবাদত করার তৌফিক দান করো। اٰمِيْن بِجَاہِ النَّبِيِّ الْاَمِيْن صَلَّی اللّٰہُ
عَلَيْہِ وَاٰلِہٖ وَسَلَّم

লাইলাতুল কদর মে মাতলাঙ্গিল ফযরে হক,
মাজ্জ কি ইস্তিকামত পে লাখো সালাম।

(হাদায়িকে বখশীশ, ২৯৯ পৃষ্ঠা)